

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Vtrum inobedientia sit grauissimum peccatorum? 2

urn:nbn:de:hbz:466:1-38762

554 periorum , est peccatum mortale , quasi diuinæ dilectioni contrarium: secundum illud ad Rom. 13. Qui protestati resistit , Dei ordinationi resistit . Contrariatur insuper dilectioni proximi,in quantum superiori proximo subtrahit obedientiam quam ei debet .

Ad primum ergo dicendum , quod illa diffinitio Ambrosij † datur de peccato mortali quod habet perfectam peccati rationem . Peccatum autem veniale non est inobedientia : quia non est contra præceptum , sed præter præceptum . Nec etiam omne peccatum mortale est inobedientia , propriè & per se loquendo: sed solum tunc quando aliquis præceptum contemnit ; quia ex fine morales actus speciem habent . Cum autem facit aliquid contra præceptum , non propter præcepti contemptum , sed propter aliquid aliud: est inobedientia materialiter tantum , sed pertinet formaliter ad aliam speciem peccati .

L. de Paradiſo. c. 8 parum ante me. 30.4. Ad secundum dicendum , quod inanis gloria appetit manifestationem alicuius excellentiæ . Et quia videatur ad quandam excellentiam pertinere , quod homo præceptis alterius non subdatur : inde est , quod inobedientia ex inani gloria oritur . Nihil autem prohibet ex peccato veniali oriri mortale: cum veniale sit dispositio ad mortale .

Ad tertium dicendum , quod nullus obligatur ad impossibile . Et ideo si tot præcepta prælatus aliquisingerat seu iniungat , quod subditus ea implere non possit ; excusatur à peccato . Et ideo prælati abstinere debent à multitudine præceptorum .

A R T I C. I I.

553 Vtrum inobedientia sit grauissimum peccatum ?
op. 64. c. A secundum sic proceditur . Videtur , quod inobedientia sit grauissimum peccatum . Dicitur enim 11. 1. He. 2. letit 2. 60. 2. me. 9. 9. 1. 4. 3. 1. Reg. 15. Quasi peccatum ariolandi est , repugnare ; & quasi scelus idolatriæ , nolle acquiescere . Sed idolatria est grauissimum peccatum , ut suprà habitum est *. Ergo inobedientia est grauissimum peccatum . ¶ 2 Præterea , illud peccatum dicitur esse in spiritu

rit
ca
co
ho
tu
pe
to
cc
Er
qu
cip
su
de
in
inc
do
cu
su
mo
iu
m
co
ci
in
te
N
q
fi
el
q
c
q
c
e
rit
UNIVERSITÄTS-
BIBLIOTHEK
PADERBORN

ritum sanctum , per quod tolluntur impedimenta peccati , vt supra dictum est * . Sed per inobedientiam q. 14.8. 2 contemnit homo præceptum , quod maximè retrahit hominem à peccando . Ergo inobedientia est peccatum in Spiritum sanctum , & ita est grauissimum peccatum .

¶ 3 Præterea , Apostolus dicit ad Romanos quinto , quod per unius inobedientiam peccatores multi constituti sunt . Sed causa videtur esse potior effectu . Ergo inobedientia videtur esse grauius peccatum , quam alia qua ex ea causantur .

SED contra est , quod grauius est contemnere præcipientem quam præceptum . Sed quædam peccata sunt contra ipsam personam præcipientis , sicut patet de blasphemia & homicidio . Ergo inobedientia non est grauissimum peccatum .

R E S P O N D E O dicendum , quod non omnis inobedientia est æquale peccatum . Potest enim una inobedientia esse grauior altera , dupliciter . Vno modo , ex parte præcipientis . Quamuis enim omnem curam homo apponere debeat ad hoc quod cuilibet superiori obediatur : tamen magis est debitum quod homo obediatur superiori , quam inferiori potestati . Cuius signum est , quod præceptum inferioris prætermittitur , si sic præcepto superioris contrarium . Vnde consequens est , quod quanto superior est ille qui præcipit , tanto ei inobedientem esse sit grauius : & fieri inobedientem esse Deo , est grauius quam inobedientem esse homini . Secundo , ex parte præceptorum . Non enim præcipiens æqualiter vult impleri omnia quæ mandat . Magis enim unusquisque præcipiens vult finem , & id quod est fini propinquius . Et ideo tanto est inobedientia grauior , quanto præceptum quod quis præterit , magis est de intentione illius qui præcipit . Et in præceptis quidem Dei manifestum est , quod quanto præceptum datur de meliori , tanto est eius inobedientia grauior : quia cum voluntas Dei perficeratur ad bonum , quanto aliquid est melius , tanto Deus

Deus vult illud magis impleri. Vnde qui inobediens est præcepto de dilectione Dei, grauius peccat, quam qui inobediens est præcepto de dilectione proximi. Voluntas autem hominis non semper magis fertur in melius. Et ideo ubi obligamur ex solo hominis præcepto, non est grauius peccatum, ex eo quod maius bonum præteritur, sed ex eo quod præteritur illud quod est magis de intentione præcipientis. Sic ergo * oportet secundum diuersos inobedientia gradus diuersis peccatorum gradibus comparare. Nam inobedientia, qua contemnitur Dei præceptum, ex ipsa ratione inobedientia, grauius est peccatum quam peccatum, quo peccatur in hominem, si feceretur inobedientia Dei. Et hoc ideo dico, quia qui contra proximum peccat, etiam contra Dei præceptum agit. Si tamen in aliquo potiori præceptum Dei contemneret, adhuc peccatum grauius esset. Inobedientia autem qua contemnitur præceptum hominis, leuior est peccato quo contemnitur ipse præcipiens: quia ex reverentia præcipientis procedere debet reverentia præcepti. Et similiter peccatum quod directe pertinet ad contemptum Dei, sicut blasphemia vel aliquid huiusmodi, grauius est etiam semota per intellectum inobedientia à peccato, quam esset illud peccatum, in quo contemnitur solum Dei præceptum.

Ad primum ergo dicendum, quod illa comparatio Samuelis non est æqualitatis, sed similitudinis: quia inobedientia redundat in contemptum Dei, sicut & idolatria, licet idolatria magis.

Ad secundum dicendum, quod non omnis inobedientia est peccatum in Spiritum sanctum, sed solum illa cui obstinatio adhibetur. Non enim contemptus cuiuscumque quod peccatum impedit, constituit peccatum in Spiritum sanctum. Alioquin, cuiuslibet boni contemptus esset peccatum in Spiritum sanctum: quia per quodlibet bonum potest homo impediri à peccato. Sed bonorum illorum con-

* Fort.
oporter
diuersos
inobediē
tiae gra-
dis diuer-
sis præce-
ptorum;
&c.

temptus facit peccatum in Spiritum sanctum, quæ direcione ducunt ad pœnitentiam & remissionem peccatorum.

Ad tertium dicendum, quod primum peccatum primi parentis, ex quo in omnes peccatum emanavit, non fuit inobedientia secundum quod est speciale peccatum; sed superbia, ex qua homo ad inobedientiam processit. Vnde Apostolus in verbis illis videtur accipere inobedientiam, secundum quod generaliter se habet ad omne peccatum.

QVÆST. C VI.

De gratia sive gratitudine, in sex articulos diuisa.

D EINDE considerandum est de gratia, sive gratitudine, & ingratitudine.

¶ Circa gratiam autem queruntur sex.

¶ Primo, vtrum gratia sit specialis virtus ab alijs distincta?

¶ Secundo, quis teneatur ad maiores gratiarum actiones Deo, vtrum innocens vel pœnitens?

¶ Tertio, vtrum semper teneatur homo ad gratias pro beneficijs humanis reddendas?

¶ Quarto, vtrum retributio gratiarum sit differenda?

¶ Quinto, vtrum sic mensuranda secundum acceptum beneficium, vel secundum dantis affectum?

¶ Sexto, vtrum oporteat aliquid maius rependere?

ARTIC. I.

Vtrum gratia sit specialis virtus ab alijs distincta?

A D primum sic proceditur. Videtur, quod gratia non sit virtus specialis ab alijs distincta. Maxima enim beneficia à Deo & à parentibus accepimus. Sed honor, quem Deo retribuimus, pertinet ad virtutem religionis. Honor autem, quem retribuimus parentibus, pertinet ad virtutem pietatis. Ergo gratia sive gratitudo non est virtus ab alijs distincta.

¶ 2 Præterea, Retributio proportionalis pertinet ad

554
inf q. 107
ar. 1. 107.
C. 12 q.
G. a. 3. co.